



قصة الاستشهاد: نقلاً عن أحد اقربائه :  
محمود كان بتركيا عايش مع اهلو بالمخيم بعدين قرر يجي عسوريا لانو ما هان عليه يلي عبصير من دم  
اهلو حاولو يمنعو و قالولو وين امفكر حالك طالع  
قلون بشجاعة وثقة بنفسو انا طالع عالشهادة  
اجى على ضيعتو داره عزة وحب يشتغل بيا هو قرايبينو  
بس اتنين من اللي عاملين حالون قيادات الثورة بدارة عزة ما قبلون والسبب قالولو بوقاحة لانو عالتك فيا اتنين بيكتبو تقارير وشبيحة(علما ما في دليل  
بس مشاكل شخصية ) فنحن ما امنثق فيكون لأنكون مالكون ثقة(اذا بدك اسماء الشخصين خبرني)  
بعدين قررو يطلعو على ضيعة تانية وهي قبطان الجبل  
جماعة الثورة بدارة عزة دقولون وقالولون لا تقبلون هدول شبيحة  
بالاخير قرر نطلع عراس الحصن بادلب من شان يتعلم صنع المتفجرات عند رفيقو  
وقبل ما نطلع اجبت احدى النساء اللي ابتقربنا وقاللنا : لوين بدكون اتروحو يا ولادي جاوبا محمود بثقة فلا طالعين نستشهد يا خالة  
طلعو والله وضلو فترة منيحة  
وبأحد الايام قرر يعمل زيارة هو وابن عمو عند قرايبينون بدارة عزة  
وطلعو قبل صلاة العشا بالماتور  
طبعا نحن كنا مأمنين أو الطريق ما في حواجز ابدأ وكنا كل يومين ننزل عالضيعة  
ساقو الماتور قبل صلاة العشا بشوي  
بعد ما قطعو سرمدنا بشوي كان في حاجز جيش متخبي بالبنبايات عجنيين الشارع أول ما شافون بلشو يقوسو عليون بالرشاشات والقناصات

محمود قلو لابن عمو آخ قلو اصاوبت؟ قلو اى

قلو امسك فيني منيح

بعد ما قطعو شي 100 متر عن الحاجز صابتو طلقة تانية بصدرو من قناص(صابتو بصدرو لانو كان ملتفت عليون وعبقوس)

بالعلم انو محمود ما استسلم كان معو ناتو قوس عليون فيو بس للأسف راكب معو ( صابو بطلقة رشاش بخاصرتو وطلقة قناصة بصدرو)

بعد ما وقع عن الماتور ابن عمو ما حسن ينزل ايجيبو لاو الرصاص مثل زخ المطر عليون واذا وقف رح يقتلوه كمل لوصل عند الجيش الحر بالدانا

اجو مع جماعة تلعدة وبالصعب لحسنو يسحبو محمود

اخدوه عالمشفى وبالطريق للمشفى في شخص من الشباب قلو محمود قلو اى (بمعنى شو او نعم ) وكانت هي آخر كلمة بيقولها ..

صفحة للشهيد على الفيس بوك: <https://www.facebook.com/KInaAlshhydMhmwdQrywy?ref=ts>